



# Inuit Ataqatigiit Inatsisartuni

---

Nuuk, 24.august2007

Inatsisartut suleriaasianni § 36 imm 1 naapertorlugu Naalakkersuisunut apeqqutit imaattut matumuuna saqqummiuppakka:

**Apeqqutit Pisortat kiffartuussiviini pingaaruteqarluinnartuni ilinniarsimasunik sulisoqarnermut tunngassuteqarput.**

## **Meeqqat Atuarfii**

- 1) Nunatsinni tamarmi meeqqat atuarfiini ilinniartitsisutut atorfiit qassit ukiup atuarfiusup massuma aallartinnerani ilinniarsimasunik inuttalerneqarsinnaasimangillat?

## **Peqqinnissaqarfik**

**Peqqinnissaqarfiup kisitsisaatai kingullit tunngavigalugit makku paaserusunneqarput:**

- 2) Peqqinnissaqarfimmi nakorsatut atorfiit qassit inuttalerneqarsinnaasimangillat - ataavartumik atorfeqartitsinikkut imaluunniit isumaqatigiissut tunngavigalugu paarlattaasussatut?
  - a) DIH-mi sinerissamilu peqqissaaveqarfinni kisitsisit qanoq ippat?
- 3) Peqqinnissaqarfimmi peqqissaasutut atorfiit qassit inuttalerneqarsinnaasimangillat - ataavartumik atorfinititsinikkut imaluunniit isumaqatigiissut tunngavigalugu paarlattaasussatut?
  - a) DIH-mi sinerissamilu peqqissaaveqarfinni kisitsisit qanoq ippat?
- 4) Peqqinnissaqarfimmi sundhedsplejersketut aamma juumuutut atorfiit qassit inuttalerneqarsinnaasimangillat - ataavartumik atorfinititsinikkut imaluunniit isumaqatigiissut tunngavigalugu paarlattaasussatut?
  - a) DIH-mi sinerissamilu peqqissaaveqarfinni kisitsisit qanoq ippat?
- 5) Peqqinnissaqarfimmi aaviaasutut, økonomatut, sundhedsassistentitut sundhedsmedhjælperitut atorfiit qassit inuttalerneqarsimangillat?
  - a) DIH-mi sinerissamilu peqqissaaveqarfinni kisitsisit qanoq ippat?
- 6) Peqqinnissaqarfimmi peqqissaaviit ilaat allanut naleqqiullutik eqqornerlugaanerusutut oqaatigisariaqarpat?
  - a) Taamaattoqarpat sumik patsiseqarpa?

## **Isumaginnittoqarfik**

- 7) Pædagog-itut atorfiit qassiuppat
- 8) Atorfiit qassit pædagog-itut ilinniarsimasunik inuttaqarpat?
- 9) Atorfeqarfikkaartumik pædagog-itut atorfeqarfiit pædagog-iinngitsunit inuttaqartineqarpat?

**Naatsorsuutigineqarpoq pædagog-itut atorfiit pillugit apeqqutit Namminersornerullutik Oqartussat suliffeqarfiutaannut tunngasut taamaallaat Naalakkersuisunit akineqarsinnaassasut. Kommunnili pædagog-itut atorfiit taakku pillugit ilisimasanik katersuisoqareersimappat taakkutaaq qujarutissaqaagut.**

(Inatsisartunut ilaasortaq Asii Chemnitz Narup, Inuit Ataqatigiit)

### **Tunngavilersuut:**

Pisortat ingerlatsivii siuliani eqqartorneqartut pingaaruteqarluinnartumik tunngaviusumillu kiffartuussiviupput. Ullumikkumuinnaq pingaaruteqaanngillat, aammali siunissami inuiaqatigiit peqqisut, ilinniarluarsimasut, inooqatigiissutsikkullu ataavartitsiffiusut tunngavississagutsigit. Sulisoqarniarnikkut ajornartorsiutit anigorniagassat ilaat suussuserniarlugit apeqqutit taakkua saaffiginnissutaapput.